



Government of Samoa

**OFFICE OF THE MINISTER OF WORKS, TRANSPORT
AND INFRASTRUCTURE**

(MINISTRY OF WORKS, TRANSPORT AND INFRASTRUCTURE; ELECTRIC POWER CORPORATION;
SAMOA WATER AUTHORITY; SAMOA AIRPORT AUTHORITY; SAMOA PORTS AUTHORITY;
SAMOA SHIPPING CORPORATION; LAND TRANSPORT AUTHORITY);
SAMOA SHIPPING SERVICES; PACIFIC FORUM LINE

LAGOLAGOINA MALOSI E LE AFIO'AGA O FAGALII LE TOE
TATALAINA O LE MALAE VAALELE I FAGALII



1. Feiloaiga a Fagalii ma le Afioga i le Minisita o Galuega, Felauaiga ma Atinae Eseese, faapea le fa'auluuluga o le Matagaluega o Galuega (MWTI) ma le Fa'auluuluga o le Pulega o Malae Vaalele a Samoa (SAA).

O le Aso Gafua sa fa'ataunu'uina ai le feiloaiga i le va o le Afioga o Fagalii ma le Afioga I le Minisita o Galuega, Felauaiga ma Atinae Eseese, Olo Fiti Afoa Vaai, e fa'amautuina lo latou lagolago malosi ma fa'aalia le agaga fiafia i le toe tatalaina o le Malae Vaalele i Fagalii.

Sa manino lava le autasi o finagalo o Tamali'i o le Afioga sa auai i lea fa'atasiga, e lagolagoina lenei atina'e t'ua aua le manuia lautele o le Afioga, Itumalo aemaise le atunu'u atoa. O nisi o alamanuia mo le Afioga sa talanoaina i lea aso e aofia ai le fa'afaigaluegaina o ona tagata, siitia

o tupe maua a faleoloa ma ta'avale la'u pasese aemaise le tuuina o galuega fa'aleleia faifaipea o le malae vaalele o le a gafa lava ma le Afioaga.

O se fa'ailoga va'aia leni o le mautū o le maliega a le Afioaga o Fagalii i le fuafuaaga e toe tatalaina le malae vaalele. Sa avea fo'i leni avanoa e momolu ai le fa'afetai a le Afioga I le Minisita le mamalu o le Afio'aga, Afifio o Alalatama (Fuamatu ma Fuamatu), Afifio Tuisugaletaua ma Luamanuvae, Afifio Gafa (Lealiiiee ma Lealiiiee); Alalatai Pulemagafa ma le Faigā, ma I la'ua na Talia le Tanoa; Susu mai le Igaga ole Fale ma le Nofoituaiga ia Saleupolu.

O loo iai nei le fuafuaga a le Malo e toe tatalaina le malae vaalele I Fagalii I le vaiaso fou, Aso 29 Me 2023, i le ta o le 2 i le aoauli.